

AIAMIE-NABOWEWINAN

NAHINAWEMAGAKIN




.....
.....

MONIANG,
TAKKWABIKICHKOTE L. PERRAULT

ENDATCH.

.....
1844.



3000000000
3000000000

B27837

12128

MS. A4

RES
AF
562

B. Q. R.
NO. 2354



TCIPAIAATIKONAMATIZOWIN.

† Ot ijinikazowining wekwisissitc gaie weositc gaie mino-manito. Kekona ki ingi.

TEPWETTAMOWIN.

Kije-manito ki nitta-tepwe, mi wendji kakkina songa tepwettamân eji-kikkinwahamawiiamintc kitcitwa ningotwewanakisiwin ; kin-ma ki ki iji-gikkenindamona.

APPENIMOWIN.

Kije-manito ka keko ki pwanawittosin, ki nitta-caweninge, gaie i ki iji-wanwindamawiäng, mi wendji-songa appenimoiân kitci witokkawin kitci gwaiakwatisiiân ondaji akking, gaie wakwing kitci minawasiiân.

SAKIDJIKEWIN.

Kije-manito ondjita ki kitcitwa-kakittawenindam, ondjita-gaie ki sakihigos, mi wendji-sakihinan enigokkoteheiân, mi gaie wendji sakihakwa kakkina anicinabek, nind iji sakihak eji sakihitizoiân.

ANWENINDIZOWIN.

Kije-manito, nosse, acaie ni nissitawenindam gaie nin kokwanissakenindamickagon ka iji-pattatiiân. Apitci keget kawin nin gi nibwakkasi, keget apitci nin gi waniccin ka totamân. Nibina ki ki nickihin, nibina ki ki anwetton ; acaie dac nind anwenindis, nin cingenindan kakkina cangenindamawiiän. Kin eta ondjita ki sakihigos, mi wendji anwenindizoiân enigokkoteheiân. Ondjita enigokomitonenindjiganiiân nin inenindam : ka minawatc nin ga tissi ket akko pimatisiwânên. Cawenimccin, o Jesus, wanikken ka pi-tiiân. O ! Mani, ninge, gaganottamawiccin kitci cawenimitc Jesus ki kwisis. Ket inenimikwen, mi kakik ke wi-tiiân.

WENIDJANISSIMIANG.

Wenidjanissimiiâng wakwing epiiân ; kekona kitcitwa-widjikatek kit ijinikazowin ; kekona pitc-ijamagak ki tibeningewin ; kekona iji-papamittagon akking engi wakwing ; ni bakwejiganiminan neningo-kijik eji-manesiiâng, mijicinam nongom on-gajigak, gaie iji-wanissitamawiccinam inikik neckihinâng eji-wanissitamawangite awiia ka nickiiamindjin, gaie kawin pakitenimiccikangen kekon wa-paciwinigoiangin ; taiagwate atcicinamawiccinam maianatak. Kekona ki ingi.

KIT ANAMIKKON, MANI.

Kit anamikkon, Mani, mwackineckagoiân kitcitwa onicicihiwewin ; kije-manito ki mamawihitim ; kakkina endatciwate ikwewak, kin awacamenj ki kitcitwawinigo, gaie kitcitwawina Jesus ka anicinabewihitizote ki iawing.

Kitcitwa Mani Kije-Manito wekwisissimätc gaganottonawiccinam, netta-pattiiâng, nongom, gaie wi-nipoiâng, gaganottamawiccinam. Kekona ki ingi.

NIN DEPWETTAWA K. M.

Nin depwettawa kije-Manito wekwisissite, ka keko o pwanawittosin ka mitci-kijenindang wakwi gaie akki. Nin depwettawa Jesus-Krist, Kije-Manito o kwisissan i pejikonite, mi tebeniminang ; oki anicinabewihigon Mino-Maniton, oki nikinottagon Manin taiesanakwewindjin, ki animisi, mi apite Pons-Pinatan okimawinigoban, ki acitakwaiganiwi tcipaiatikong, ki nipo gaie ki ningwahakkana, ki nissandawe anaming akking, nesso-kunagatinik ki apitcipa, wakwing ki iji, acaie aiapi o kitci-nikkining kije-Maniton ossan kakkina nettawittonidjin, wakwing ondji o ka pitipakona pematicsinidji gaie ka niponidji. Nin depwettawa Mino-Manito. Kitcitwa Ningot-

wewanakisiwin mizi-mizi ki iji-sisswecka ; aiamie-witokkotatiwak eiamiadjik ; kassihikaten pattatowinan, kata apitcipak anicinabek ij ow-iiawiwatc, gaie kata kakikke pimatisik, mi ejitepwettamân.

NIN WINDAMAWA KIJE-MANITO.

Nin Windamawa Kije-Manito kakkina nettawittotc kitcitwa Mani kakik taiesanakwewitc, kitcitwa micen ketci-anjeniwitc, kitcitwa Jan-Baptist, kitcitwa Piien gaie Pon Jesus o napotima, kakkina wakwing endadjik ; kin gaie, n'osse, ki windamon, keget onzam nigi pattat ka iji-pattamitonnenindamân, ka iji-patta-ikittoiân gaie ka iji-patta-totamân : Nin nind indowin, nin nind indowin, nin nin kitci nind indowin ; mi wendjipagossenimak kitcitwa Mani kakik taiesanakwewitc, kitcitwa micen ketci-anjeniwitc, kitcitwa Jan-Baptist, kitcitwa Piien gaie Pon Jesus o napotima, kakkina wakwing endadjik kitci gaganottamawiwatc ; kin-gaie, n'osse, gaganottamawiccin.

KIJE-MANITO OT IKITTOWINAN.

1. Pejiko Kije-Manito ondjita ki ga manadjiha ; win pejiko enigokotehen ki ga sakiha.
2. Ka ceckwat ki ga winasiwa Kije-Manito ; ka gaie keko ceckwat ki ga windansin kitci wi-ondji-tepwettagon.
3. Kije-Manito o kijikom ki ga manadjiton ; ka gaie ihm-apitc ningot ki gat inanokkisi.
4. Ki nikihigok ki ga kitcitwawinak ; kinwenj wi-primatisin.
5. Ka awiia ki ga nissasiwa ; ka gaie awiia ki ga cingenimasiwa.
6. Ka awiia niccipijikwatc widjiwiieken ; ka ondjita niccipijikwatisikken.
7. Ka awiia kimotimiieken ; ka gaie kekon awiia mindjiminamawiieken.

8. Tipakonikewining-inakkak, kakik tepwen kekon ekittoianin ; ka gaie wikat awiia ki ga kinawickimasiwa.

9. Ka missawenindanken nicipijikwatc-witc-kendiwin ; gaie manatenindamowin atcitic-ininan.

10. Ka missawenindamawiiekon awiia kekon endanidjin kitci kimotimate.

KITCITWA NINGOTWEWANAKISIWIN OT IKITTOWINAN.

1. Kitcitwa kijigon ke manadjitaganiwangin ; ki ga manadjitonan.

2. Kije-Manito-Kijigak gaie kitcitwa-kijigak ; ki ga widjihiwe anamensikkaniwang.

3. Wewenint ki ga kopessev ; kanage ningotin tassin ka ningo-piponagakkin.

4. Ki ga kominiv kanake tassin aiapitcipadjin.

5. Ki ga kihigoccim ni mitana tasso kun kitcipwamacci apitcipatc, gaie tassin kahigoccimnaniwangin.

6. Ka midjiken wiias tcipaiatiko kijigak ka kaie Mani-kijigak.

7. Kekon nittawigitton ki gat acamie-pakitiniken endotamowatc eiamihadjik.

KIJE-MANITO OT ANJENIMAN.

v. Kije-Manito ot Anjeniman ki windamagoban Mani kitci onidjanissitc.

r. Mino-Manito ki mawandonamogoban Mani o miskwi kitci kijittotc Jesus wi iav. Kit anamikkon, Mani, &c.

v. Nind otanottaganikwemik Kije-Manito.

r. Ekitton mike wi-tiiân. Kit anamikkon, &c.

v. Ki owiiawihitizo Kije-Manito okwisissan.

r. Keget ki ki witc-tanakkimigonan. Kit anamikkon, &c.

v. Kitcitwa Mani Kije-Manito wekwisissimatc, gaganottamawiccinam.

r. Kitci gackittamawiiang ka iji-wanwindama-gegobanen Jesus.

AIAMIHATA.

Ki kitcitwa onicicihiwewin, enabigis, Tebenimiiâng, pinahamawiccinam nit tcitcagocinang; kit anonaban kit Anjenim, kitci windamagetc, mi wendji ki kikkenindamâng i ki anicinabewihitizotc ki kwisis; inenimiccinam i ki animisitc gaie i ki nipotc tcipaiâtikong kitci ondji kitcitwa-apitcipaiâng, iji cawenimiccinam Jesus ondji. Kekona ki ingi.

PAGOSENIMATAK ANJENIWAK.

Kin kitcitwa Micel, kin kaie nind anjenim pepaganawenimin, kaie kinawa kakkina aianjeniwieg gaganottamawicik, atcitic ininamawicik matci manito ot inanokkiwin.




ALAMMATA

Faint, illegible text, likely bleed-through from the reverse side of the page.

PAGOSUMMATAK AVALIYAK

Faint, illegible text, likely bleed-through from the reverse side of the page.





John Quincy
Commons

Mr. Parent

Mrs. Dube

Mrs. Lator

Mrs. Wessie

A de Brouen

Robert

De Crette

Tambert